

一鳴集卷之五目錄

書

上華湖李夫子書

上從叔父遠堂書

與郭筠軒書

序

昌化縣志序

文續

施廣文南榮詩稿序

鳳山詩集序

樓蓬萊先生蓬萊集序

一鳴集

卷之五 目錄

盧弼人婺志粹序

吳蘭臯讀易銘心編序

吳氏循陔詩草彙編序

同學陳坦然正學編序

龔麗山鍵戶詩稿序

吳梓獲園詩草序

厲朗軒笙山詩集序

從弟鳳翰一鱗稿詩序

昌化潁川郡陳氏譜序

刻西郭氏譜序



雅溪盧氏儒譜序

木香李氏譜序

托塘張氏譜序

雙泉徐氏譜序

安文陳氏譜序

崑西金氏譜序

崑西杜氏譜序

泰里蔣氏譜序

東陽許氏譜序

安溪蔣氏譜序

一鳴集 卷之五 目錄

上田嚴氏譜序

本族重修譜序

本族續修譜序

周璜溪壽序

程拙菴壽序

叙夢

引 雙泉徐氏譜序

重修昌黎伯祠引

修恬靜菴茶亭引

跋 雙泉徐氏譜序

書三輔黃圖後

書洛陽伽藍記後

書宋陳文毅公遺像

遠堂叔父溝洫圖說跋

樓逢萊先生平江集跋

跋李涇溪書葉栗垞十八學士登瀛洲詩後

龔月邨紅稻山房詩稿跋

荆溪義渡亭跋

書潘嗣傑零丁帖後

徐希占斯是軒銘

一鳴集

卷之五

三

俞荔村月椒草堂詩鈔題詞

蓮民詩草辭山張詩跋

魏子庸為書梁溪洪十八學士登瀛洲詩跋

鄭養萊武平江集跋

引敬堂妹父報贈圖跋

書宋鄭文公集跋

書宋鄭文公集跋

書三輔黃圖後

一鳴集卷之五

程炳暹子實

發東何 豫荇洲氏著

參訂後學李步瀛蓮舟
方炯燦卿

文

同校再姪孫

之秉星樞

上莘湖李夫子書

豫頓首不少待日月逾年望門牆非甚闕隔進見之疎忽
忽至此知無所逃罪去歲栢禪叢屏棄一切釋家言泝流
而漁作醪飲奴不瑣述屢冀稟命書成四五行口吻呶唔
輒皇愧中止區區之心不自掩覆意夫子或不我責也今
一鳴集 卷之五 一

來剡中同事者共炊斗米以日計與薪以月計每飯悉誌
姓名與其所出貽盈縮而登之簿以爲歲計僕賃二人一
煬竈口納囊體一職箕帚啟閉兩扉苦匱乏則令能者至
其家豫主盟乾豆之需歲若干縉酒人缺索囊中物市之
其風土異吾東與之語再三問然後知讀書史罄牙耳之
尚可得春初時啞然竊笑閱四浹旬吾亦變鄉音矣憶昔
從夫子游志甚適有指示木疆力任許之歸省越宿仍溪
許前來松鱗蜿蜒濤聲四起五步十步風生腋間意以爲
長此終身也後十餘年急趨衣食學日荒田數畝樹藝若
何致粟若何桑蠶若何雞豚之畜若何爲酒醴麴蘗水泉

若何戚屬饋遺泉刀歲出入權子母若何旦晚憂從中來
莫可解免又自謂少年讀書無能食其力而吾智不庸人
若也乃復彊起檢敝篋申前盟載書曰負吾亦負若今而
後計之以年而豫已三十有四矣破屋數椽不盡蔽風雨
而爲旅人彌月一至家道路遠窮日夜往還僕夫勞勞歛
廬告倦異地息肩音問睽違不可勝數擲一珠在盤又自
亂之則益靡定矣吾將安適吾知之矣莘湖拓千頃恢乎
有容波光瑩然鑑鬢眉不爽而妍媸應之菱蕪芰苕遂其
自生魚之游渚之鷺沙之鷗相與爲春秋其居民穀五種
賴以灌溉其餘潤及四方古之人苟有以自樂雖三公不

一鳴集

卷之五

文

二

易如斯而已也晚近操觚家譴起聖賢之學無所發明誠
意正心如懸肱附贅拾唾餘爲薪傳至老不舍掉三寸舌
軒輊人吠聲者受其言唯唯一不得志以食貧爲恥以罔
貨利場爲能中於自欺流而爲無忌憚豫嘗奉教於君子
竊用自廩廩也會稽名山川爲餘糧嶺爲訪戴溪在剡者
曹輩亦時言之而肄一經也有春秋未嘗有詩有詩未嘗
有易有易未嘗有書歌在泮者數人其諸齒牙慧甚近似
司馬遷滑稽傳莊周刻意篇吾自計無可爲人知而無以
知人吾亦不慮人之莫知而求所以知欲如曩者循循面
丈與二三同志聚首言歡惡可得哉吾門有來告者曰先

生辱至此幸有以教我或沮先生且有後言何爲者余曰
噫甲之得乙之失也秦王召醫破癰者車一乘舐痔者車
五乘治愈下得愈多丈夫生不自爲用而甘以一斗子之
人任自爲之矣鴟得腐鼠而又恐鷓鴣過之非智也昔曾
參宰菖祿不及釜訖然色喜其後做衣躬耕卻齊楚卿相
孟子曰所就三所去三萬鍾一介有釐然者吾折腰齟齬
誠謝不能降而與斯人角一日之長或不暇矣敢云乎哉
念生平無甚異人而其來有自因附獻芹稿一卷瞻言百
里渺渺予懷一師一弟似非偶然吾夫子人不言取言
不以人廢有所責備一一裁之庶幾更進也三月二十有

一鳴集

卷之五

文

三

一日豫頓首

上從叔父遠堂書

三月十有九日豫頓首春初辱賜書寒食節叔父歸自陂
頭親枉示七言詩二章言陸務觀集中載先公事知家世
南湖交游類屬名臣今子孫散處四方春秋與祭乃一會
豫奔走每得奉候起居承惠屢屢未知所報已獻拙詩就
政復招摭多方窮日夜爲之無益於事然於吾心有惓惓
不能自己者則不得不言豫聞之修德以文而戡亂以武
王者舉天下之人使之有用本聖賢之學多識前言往行
與國家成敗之由以備顧問及知方畧者端自學校始堯

舜禹湯文武以來爲天下得人而已矣周公陳無逸知稼
稽之艱難而已矣召誥一篇王其疾敬德而已矣用顧畏
於民暑而已矣承平日久戶口殷繁五行之沴間亦有之
惟天子躬行節儉下逮士庶蒸然向化於是上下勸恤重
念吾民最近且易者莫若有司夫芹藻依然也非其人則
士不知學溝洫可禦戎也自井田廢而農不知其大臣未
嘗言事縣吏以苛歛重賦爲能盜賊起爲害甚矣豫始能
言母氏口授書四齡讀論孟時家嚴方有志於孫吳定向
讀外稍示以李密陳情表韓愈祭鱷魚文餘弗之責也十
歲肩邑城舅氏家俾得所師事踰年歸自禪叢肄業久之

一鳴集

卷之五

文

四

吾先曾祖卜築水濱岸善崩薄田爲風雨蝕去家漸衰每
歲除操券者填門窶其困憊未知所憂持一經晨夕沾沾
謂富貴可立致也其後困諸生十年再三試禮部益增慚
愧窘於財遂止抗顏爲閭里師同學者習經史左國固善
惜沈約四聲未甚悉更進焉可以無恐餘子衣裘豐美相
爲爾汝其父兄亦弗冀於成余嘗以語人識者曰姑寬之
遂其意冀復來或有與偕者督之學敗已及其就童子試
也吾以爲培風者在賢大夫偶至城闕然者久未已其言
曰盍市諸可冠一軍未幾下其手請廉損止其手曰曷惠
我而甲乙定矣蘇軾有云進者不復以僥倖爲名退者弗

以沉淪爲恥不端其始後何以堪夫先王養育薰陶之至
意而以賄賂致全材吾未之信也東陽建置舊矣山處者
木水以漁松杉榲栗桃梨柿杏及可資本草者歲所出有
限而觀優飲酒餌參苓芝朮禱祝淫祠丹青黥堊旗竿竹
馬楮幣蘭膏市井酣呼囊金一擲以因果愚人問五行休
咎費嘗數倍之服農者畝婦女桑蠶厖有餘不及供賦稅
牛羊雞豕之資負販買遷之利娛賓速舅喪祭婚姻歲時
餽遺鬻薪芻鹽茗餽餼以及金工木工埶埴之工而縫人
染人率與焉豪強權子母探囊勝篋又負之而趨甚者屑
糠覈爲糧夏不幃嚴冬燭竈口而民困矣然以爲旣富獲

一鳴集

卷之五

文

五

安也乃有禍亦隨之居嘗凌轢人甚瑣屑有所求必以質
舉家材智下老成碩德罕有禮其廬者無事事人爭怨之
也牽連訟於官輒主與援恃有人袖金爲刺鬪者曰先生
來何遲也拱而入嘯嘯語有頃揚鬚眉顧左右咳唾棖闌
聞其顛亂是非可弗問者官儲粟若干厥向以白鏹易之
近有董胥赤手取之鄉堅弗與以他事中之僕隸乘肩輿
呵叱餽饌有聲顛黎汗血贏餘守先人成業吉網羅箝莫
可控告卒亦蕩然垂盡而民愈困矣魯莊公十一年宋大
水董仲舒以爲陰盛所致又曰王者聽不聰水不潤下多
暴雨郭璞云按洪範傳人憤怨則水涌溢晉天爻志云沓

淫驕慢則土失其性是爲稼穡不成劉向春秋說曰大無
麥禾土氣不養此其義也傳又曰言之不從是謂不义厥
咎僭厥罰恒賜厥極憂古者年不順成君膳不祭肺又曰
王省惟歲卿士惟月師尹惟日周禮司徒之屬以委積待
凶荒先世有天下者恤患救災輒命郡國無貢獻下求言
之詔農民亦得以疾苦上封事比年來水旱薦臻閭閻赤
立邑城南三十里許居民飯赤白二種泥耆老云

純皇帝十六年歲飢於某處鋤若干尺負其土以歸曰觀
音粉今仍之病弱不能致者率兒女擷草茹羹昔者李愷
平糴耿壽昌築長平長孫平奏令民間每秋家出粟麥一
一鳴集

卷之五

六

石戴胄建積穀備災之議陸贄請以茶稅錢置義倉子朱
子社倉之設劉如愚父子相翼以成有心於世者見諸事
爲民悉使之其或未能更刻急而民怨咨天蓋示之以變
而使修德者懼也滇南去京師八千二百里聞新用師餉
運絡繹不絕按唐書南詔本哀牢夷王自稱曰元謂其下
曰昶暝弓朗劔戰卒騎軍終唐之世連兵不解而楊慎滇
載記云未通中國時有低牟苴者盤結永昌漢世雄長昆
彌川當蜀漢建興三年諸葛亮南征賜龍祐邨姓張氏後
遜蒙氏細奴羅立三百有十年爲鄭買嗣旣趙善政立楊
干眞旋奪之晉天福初段思平立宋元符二年高昇有大

功立高昇其才仍立段氏凡三百五十年元設大理都元帥府段氏復據之有明洪武間潁川侯破其軍至我

朝定鼎文敎覃敷而雲南已隸乎中州今未知其致寇者若何大率長吏朘削脂膏夫人愁痛以哀籲天而鞭箠之草菅之萬萬無能以自立然後捐棄踵頂父母兄弟妻孥相率而爲非也得其人善撫馭之願少緩須臾毋死思見德化之成已昔漢文帝接秦項傷夷之槩當國家多難之秋府庫凋殘日不暇給知上帝神明未盡歆享民人未有曠志率以儉約屢賜田租遂使百物阜盈鄉曲宴遊乘牝犇者不得赴會子孫左長或積十數歲不知市廛唐貞觀一鳴集

卷之五

七

初自關輔及三河餓孳枕藉斗米一縑太宗撫養困窮百姓有粥男女者出御府錢贖還其家嚴禁貪殘愼節徭賦四方民夫和會年穀時熟人知義讓歌詠太平德宗時州縣爲藩鎮所據所在宿重其其費不貲悉依辦於劉晏晏以養民爲先其時惟涇陽縣令韋滌潔已不污以撫字民民無愁怨宋寶元慶厯間名臣多在邊境陝西關帥則就命韓琦延安關帥則就用范仲淹先是淳化四年兩川旱民饑吏不恤寇起詔命王繼恩討之繼恩恃功驕恣軍不戢剽奪民財益州日以乏糧爲請孫詠知成都府事旣至籌畫釐然甫踰月計軍食有二歲備乃奏罷陝西運糧歐

陽修以知制誥出爲河北轉運使嘗請與聞其事仁宗許之修又言天下積弊已多如欲用力少爲利溥莫若精選強幹朝臣十許人分行天下盡籍官吏能否而升黜之政宣之際小人蒙蔽張根論征歛之煩李綱論大水之變輒散官遠謫有敗死西陲者而董貫以捷聞有破東南六郡者而王黼匿不以告令天下長治久安弛邊鄙而長寇讎有非布衣所敢言者而食君之祿唯是參養持盈聲音媚媚之自娛不想其後其何以無負於朝廷豫有感於是終日未嘗飽酒僅三五行非矯也固念銜恤以來負重罪先慈未克葬家大人春秋高缺音旨無以色養計無可言者

一鳴集

卷之五

八

幸父事有人私心竊喜蓋人情有感而動每於恒相接者易爲之親而又以獲伸於知我者得自鳴其學而求教多端以祈進於古爲前哲之所不棄而非必盡有合於人吾嘗仰而企之矣古之垂不朽者旣其出處交游立朝久暫証之旂常鐘鼎幸以功名自全至乃蹈鋒刃不顧率家殉難流離死貶所求其里閭碑碣與其後人窮而在下稽古帝王治亂相循名世間出以主敬存誠慎獨之功闡河洛測星辰下及愚夫婦所共由忠孝本於性生而鰥寡爲其所恤山川悠遠雲物迥殊鳥獸蟲魚繁林淺草羈臣怨女仙釋異人發爲歌詩呼之欲出河渠關隘種植地宜備荒

有策橋梁亭驛軍政屯田器械有需輿圖因革之詳有考
囊四海以爲家蹤千金於不義舉一名一物絕島蒼茫未
經見之書自驥首鱗身以至今日可坐致也叔父好聚書
幾百萬卷歲辛酉命豫搜輯呂某家又得千餘卷王符徐
幹荀悅顏之推司馬光李觀楊時張耒陸九淵眞德秀劉
靜修虞集諸家則藏之采其有關於世并鄉前輩爲郡邑
志所未詳者印鶩翎管誌於篇端手錄數卷名之曰南金
礪石然性鴛下不能治產爲流俗訕笑轉自計少年瀕於
水幾死病五日不食幾死疾風雷雨夜冥冥失道墜谷中
可死嘔血疑必死傳之者亦云已死而卒不死葢中無所
一鳴集

卷之五

九

亂甚凍餓未死吉人類抑鬱不得志少挫折弗死先天下
之憂而憂其憂大爲身家計又何以死豫用自愛矣語云
齋夜光之璧者不於市而於家主人無言觀者踵至以面
生之鼎沸雞使子將苴履奏黃鐘於擊缶之間知其不可
矣頃寓山南著洵思護草二卷益自刻苦耳民間事事騷
然者未有以靖之有爲之士輒改絃更張不知羞恥甚至
顛沛流離因循瞻顧拱手唏噓一無所措其於窮達當何
如也又吾何氏世歸姓潛夫論云然路史載道之遠廣
濟邇有何亭虞舜時何侯實隱九疑鄭樵氏族畧云唐叔
虞後秦滅韓以韓爲何音訛也家乘又以渡陳雷江有異

瑞更韓爲何必有衷於一者因并質之豫頓首惶恐不宣
龜堂老學庵陸渭南之自名也石帆天鏡諸山在會稽城
外十里禹陵蘭渚皆相接也宋開禧二年陸已年八十三
四矣其見於詩者云郭希呂每歲餉酒今以故不及而清
潭呂子益亦間有之昔人猶想見也僕近不甚飲而量自
豪無以爲歡有時輒止每晨起窺鏡須眉鬢黑且豐頤語
云容容者享厚福贊美之詞不足以當此竊自品題蓼蟲
一飽直不知人世有肥甘也朔風獵獵矣任彥昇之子無
以爲衣馬燧後人流爲丐者是又不可解耳禽經云鳩三
一鳴集

卷之五

十

子其一鳴按月令變爲鷹者鳩也奈何并質之

列中施慶文變南榮詩彙序

有可得而名者盈天地間若指掌也本之性情充其所學
感發於不肖知詩三百篇以後漢魏最近古暨於唐盛已
宋初孔延之編會稽掇英集二十卷垂之七百餘年吾寅
賈南宣爲剡人甄夏然能繼之按聖門弟子考魯施之常
唐贈乘氏伯采贈臨濮侯傳之琴烏世系秩然宿儒空谷
幽蘭掄材竹籥菊籬秋晚白雪梅枝著文章餘事悉繪毫
顛暇日得傅肱蟹譜又如聽草泥郭索聲於時大中丞阮
芳伯其廉其才檄署唐昌司諭尋署龍游雲和次之於潛

次之景寧又次之江濤一艇城郭參差山翠煙嵐鷓鴣啼
不已一燈一榻與諸生數晨夕久之而丈自適也既歸芝
山十詠釣臺十二故鄉舊雨懷古思今賦物寫心一一見
之於詩終以麗句亭其於秦系耿耿不忘也世兒彰以余
在昌甚久周藉香老人沈壬海朱少僊同年悉交好已有
贈言遂以爲叙云

鳳山詩集序

樓氏自五代吳越王時始居西部鄉之下崑溪其地近甌
山再傳曰皓司錄參軍遷四明又四傳曰昇宋元豐進士
官徽猷閣待制封譙國公又再傳曰鑰參知政事諡宣獻

一鳴集

卷之五 文

十一

有攻媿集一百一十二卷我

朝四庫館聚書以來頌在浙江文瀾閣儒臣以樓鑰文章
淹雅佩實銜華其題跋尤長於考證又著東陽斯許二孝
子碑記自云先世東陽人長子淳官宗正丞仍由四明遷
鳳山下有詩三首其時宋紹熙之三年壬辰也垂之二百
八十有六年當有明宏治初而詩人出邑城東門外曰盧
曰李曰樓至於今稱能詩者舌人不絕口吾郡金華詩錄
翰軒錄蒐羅幾富矣而蒼萃成一家者曰桂坡子孫踵而
爲之則鳳山顧其詩雄於律間以五七言古附截句長篇
鉅製歌行樂府不盡傳錫琪輩不忘所自恐愈久而遺編

漉漫耗於蠹以致殘闕失真也乃以宣獻公弁於首較原
集不及什之一較宋詩百一鈔選本亦互異然以家藏世
守之弗復敢增損慎之至耳明詩共如千首

本朝又如千首共如千卷高曾以上思其居處音容與鈞
弋之所經薦紳往來渺然不可得房杜後人平泉子弟又
往往失之讀是編仁人孝子之心油然而矣嗣世者紹家聲
不墜鳴盛一時惡能已哉

樓蓬萊先生蓬萊集序

自南齊後世河蓬萊集序其
序

翥一山翹翹若鳳然左右翼松鱗蜿蜒翔雲沐雨濤聲近
咫尺安定水西流注東陽江宅茲土者文章鳴盛宋以來
一鳴集

卷之五

七

樓氏世主之先生諱上層自號蓬萊侍史善父母聚書數
萬卷角外事盧杞亭輒能詩邑明府李霽園試以藝括史
記晏嬰傳應之遂冠一軍又出郭魯菴門下與吾叔氏遠
堂相劇切春湖草碧薰風自南秋夜明河雪花鶴斃當其
有得於中囊四海以爲家芥千金而不顧甚自適也學既
充交遊益廣戴前輩東山楊栢城葉栗垞同應前庚子

高宗純皇帝

南巡

召試最著名方海槎柳澱浦應藕船繼之嘗聘於剡西褚
伯玉太平館從者竹立有契於心不惜牙後慧獎之爭自

鼓勵濯磨馴致乎其極享徹帚千金詒奠於市又誰爲者
置一榻硯宿墨弗蠲每搦管毫顛枯墮書法反勁席前檢
紙藁或參差失次日暮支頤凝睇鼯鼠出入袖間已而上
領緣手揮之乃去天機之充滿淪於無間也忌我者不爲
損欺我者與之相忘造物之於人有如是哉吾讀蓬萊集
爲傳爲叙爲記爲誌銘不一類海濤欲來蛟龍出沒鞭駮
馬長途瞬息千里氣盛而兀稟者平僵者立淆亂者得所
宗世有知先生用之俾盡其才不徒以空文自見於先生
亦奚憾者而卒以著述薦馨香徃古弓冶詒後人其爲裨
益若操券得之昔樓鑰有取於高士素道遙六館銘鐫以
一鳴集

卷之五文

三

白醉先生嗜酒而豪雷譙甚驪面黔而豐下晚歲以目
疾珠映弗司須眉未盡雪與吾抑齋夫子爲從昆弟曩嘗
受知於海山周大司馬有井坵居士傳與吾先君子相得
久豫親受業八年無以報不竟副所望生三事一念及之
慨然吾猶是弟子職也而已穆然遠矣

盧菊人葵志粹序

職衡齊七政也善言天者必有徵於人禹貢山川自冀州
始周禮職方氏不相沿襲也志輿地者乃稽之古吾葵自
割會稽分東陽郡隋置葵州唐武德仍之天寶四年又爲
東陽郡梁改置金華元爲葵州路前明爲甞越府尋爲葵

州此志所由名也菊人遂於學有孝行年十二與童子試
遂定交能樹立沉學而嚴知聖賢之道無不該有折衷乃
不歧礪躬行然後能任重比長補弟子員應拔萃科以詩
古文甲浙水東旋赴都城當軸者器之不妄袖一刺觀橋
門石鼓摩挲久之歲某某館閩南德化署中家故在定溪
近鄉洲義堰梗上游呼慶忌者幾涸川示以讎乃寢又富
山陰之新河口聚書多晨夕不釋手嘉慶己卯選授緜城
司諭益肆志於繚緜篋笥可以徵文獻者輒自喜向一瑣
籍寫工小楷再三易稿春風草綠熱不因人聽蟋蟀秋吟
海濤臥雪幾不知時序之推遷古今一范乃著葵志粹其

一鳴集

卷之五

五

一曰先民志秦迄唐四十四人政蹟志宋暨

本朝八十一人承師志溯葵學淵源與相授受及私淑者
一藝可名史傳錄列女者緇流仙異次之金石志經籍志
又次之漢興平二年會稽太守許貢冠以來宦宋建中靖
國元年楊時冠以寓賢變警志祥異志各一卷大事記雜
事記瑣事記各一卷終之以藝文其於說陶有深思乎菊
人嘗慨然於葵稱小鄒魯在弟子列者幾人吾道不孤造
物若有相之者俾其傳勿失鄉先正遲之有待語焉未詳
於是釋然也先是得郵書訊薛萃於馮審暨輓滕茂實詩
祝允明載宋潛溪墓事未遑答報日月幾何知交風雨散

每念及之不敢忘昔司馬遷史記補之褚少孫班固書惟古今人表出己手網羅載籍暨郡邑志之有關於藝者上下千百年爲一志垂老尙勤勤不倦其餘著述藏於家余讀白香山集一刊之李伯珍二程子粹言爲李籲我

朝聚珍版七萬五千八百五十餘卷毛西河集屬之李塿

實出其門下婆志粹始於道光己亥越一年諸同學若

榮若步瀛若協韶爲之參訂皆李氏也吾向與菊人宿來

青樓縱談徹夜在省垣秋試又訂告歸不果去年病甫至家命其子某速胡竹籜與之訣瞿然曰吾生平無以自見瘁心力在一編其爲我更定而已撤瑟矣日月志成願齋

一鳴集

卷之五

五

一百猶想見賈島歲除以酒脯祭之

吳蘭臯讀易銘心編序

庖犧一畫易之道備矣堯舜垂裳而天下治取諸乾坤禹馳湯驟后稷以十五傳而文繼之得周公至於孔子易始定名漢儒言八索者紛然京房以下筮其餘若荀九家已無書王輔嗣易行遂不復古宋子朱子與鄉先生呂東萊有折衷至於今尙茫茫也吾友蘭臯邃於學說心研慮陰陽奇耦動靜互根盈天地間一易也太極本無極也韋編鐵摘聖賢不可幾垂之數千百年欲窺其奧窔有難焉者易無思也無爲也殊途而同歸百慮而一致銘之於心貝

其背咸其輔頰舌震不於其躬取諸卦也見龍在田文明也括囊無咎慎不害也鳴鶴在陰中孚也損益盛衰之始也吉凶悔吝其見善則遷多識前言徃行以畜其德乎曩嘗見揚子雲太元司馬光爲之注其擬經不可訓隋唐藝文志言易者若干我文思辨國類齊文章益富皆於車取朝兩夏同文易簡而天下之理得矣蘭臯於卦象六爻有論有詩屯君子以經綸未濟慎辨物居方有感於中不自已乎豫毫矣不鼓缶而歌無能措一辭并願爲鈔胥不可得有讀易銘心一編迺憬然思畢然起也古應我定而詩

吳氏循陔詩草彙編序

一鳴集

卷之五

去

周召二南德之盛也肆鹿鳴四牡皇華可以興矣終以商頌正考父得五篇讀楚騷而詩一變漢近古魏建安初有集晉陶潛齊梁以下可指數唐盛已宋王禹偁暨謝翱若千人元四家明李攀龍乃一振之我

朝天聰天命以來歌詠太平養士數百年矣有羽翼聖經者臚史傳者柳柳州云思報國祇有文章爲蜚吟餘事耳吾雙峯先生詩藁得之剩餘恒軒爲仲子并工五七言藤園梓念乃祖乃父不敢忘鐫諸板曰循陔翼有更定者范喬一硯謝朓膏腴爲何如也

同學陳坦然正學編序

石墩有大學本髮淵有孟子註陳烈讀學問之道無他爲
大儒得聖賢之旨而心解之言有物悉本躬行蓋難其人
也坦然向事我於南湖治周禮謂考工記不必補冬官李
觀集已該之矣若考洪川肄於庠課子綦嚴不敢耽醉飽
寢興無忝年七十瑟處一軒先生長者於其所尊敬弗衰
錄正學編不息板將付梓與諸同志者商之一脈之延誰
實肩其任者吾婺城麗澤院呂成公舊講學處也今已七
百餘年俎而豆之後起者當何如也

龔麗山鍵戶詩稿序

龔生諱秉璠字番玉號麗山者以三寸之關扃兩扉未嘗

一鳴集

卷之五

七

步亦步趨亦趨也束髮讀書聳於耳與之言以心解家故
聚經史暨漢唐宋及吾婺鄉先生著錄若干卷夜篝一燈
熒熒然以目謀雞初鳴未已墨丸散卓唇吻若蛩吟作韻
語書之紙見者輒誠試以燈花可刻燭也搜其篋并無可
斷臆者吾不知其宿世何如也昔謝眺得父膏腴有師承
者以口授春草王孫悲秋落葉知天籟之自然竊異獨一
鳴而鳴如泣也龔生乃以踟躕隱發爲詩歌顏之推尙以
爲颺投乎吾同學博士員仙舫育厥子不永年鈔胥以詩
稿次第之弁于端曰鍵戶錄其詩并憐其志云

歌十五國風雅頌以求其端盡其變大其規要其止而詩
備矣春秋時吳季札爲南紀一人楚屈宋以騷漢立樂府
魏曹植與陳琳王粲阮瑀劉楨徐幹皆有集晉止陶潛齊
梁不逮古唐以詩取士盛已宋蘇長公豪氣勁然而得謗
南渡以來獨推陳與義中州元好問明李獻吉一振之我
朝廣歌颺拜自

宮闈以迄閭巷沐

膏澤而咏勤勞數百年矣獲園梓乃祖雙峯先生厥考恒
軒在庠序著聲工五七言古詩錢起之孫曰珣顧況之子
曰非熊授受一庭有合集本之性情以鳴其所學山川能
一鳴集

卷之五

文

賦春柳啼鶯風緒雨痕相思明月向有聚書若干卷含英
茹實金石鏘鳴其足供驅使者又孰從而禦之獲園能養
親既歿讀子程子葬經有不爲城郭溝池耕犁所及者營
宅兆不諄於指南也近舍旁攜小書巢交游屢滿相與酬
唱者率皆射鵬手留信宿尊酒盤匝燭見跋猶未已課一
子能文不屑屑絺章繪句起發學之傳於今者求至於聖
賢如吳與弼夢見之而獲園自適矣某每憶延陵舊好鮮
有存者猶得蘭皋暨楚帆數晨夕不衰獲園克張一軍竊
自笑白髮絲絲尙能聽雞聲一起也凡詩幾篇遂序之

湖十屬朗軒笙山詩集序

唐貞觀初厲氏祖有靖滂浦寇功官容州刺史者有賦緜
山月夜聽王子晉吹笙詩登第者金華賢達傳敬鄉錄暨
徵獻畧見於志乘藉藉有人朗軒煜束髮肄經應州縣試
輒冠軍先世由柏堂徙台峯下瀕於安溪山田鱗次松檜
若干尺煙霏霧縠時鳥變聲乃祖文亭公珮有八景詩與
咸豐令趙截園相酬和以壽終義行見邑志父松嵐與吾
同年趙苗畦同學也有游蟠谷詩朗軒一一志之韋孟岑
參述祖德類然紀農時月令如崔湜鋤禾種粟如李紳悼
亡如潘岳咏史別擬之班孟堅古今人表曰雨曰暘有災
異悉書之如甲乙帳其得膏腴也若謝朓其課子也若孫
一鳴集

卷之五

九

弈示兒編一名一物未嘗以箏牌里缶參錯其間得於天
者厚言之者脫摯而誠薦紳先生不惜齒牙餘慧獎其材
弁勵其學也山行樵唱洗腸胃一清石瓏璫爲篆籀

郊說事

詩人吟咏之餘有以自得之矣朗軒貢成均其能以詩名
乎計若干卷余名其集曰笙山冀繩武也

昌時鼓吹又誰賡和之是爲序

從弟鳳一鱗藁詩序

天之與我者無窮也得一鱗雖然飽矣川流嶽峙魚鳥親
人未嘗咄嗟辦也深思而自得之則又搢搢然不能自己
吾以爲作詩者亦然從弟鳳翰穎悟而豪大雅之材三十

一小雅之材七十四皆吾友也先是應州縣試旋舍去善
事親暇輒爲五七言古歌讀杜少陵韓退之蘇長公諸集
鯨魚碧海氣盛則言之長短聲之高下俱宜知唐庚亦自
命不凡有由來矣詩若干首顏其藁曰一鱗神而明之惡
知其所止哉余耄矣相與倡和久之爲編茗爲擊鉢爲題
襟壯心猶耿耿也

昌化潁川郡陳氏譜序

陳爲庖羲氏故都媯姓也夏封舜之後於虞城商寘於遂
周以三恪國於陳因以爲氏其地在宛邛魯論弟子考陳
陳亢班固古今人表凡三見唐贈潁伯宋贈南頓侯酈道
一鳴集

卷之五 文

三

元水經注秦滅韓以其地爲潁川郡汝水逕南縣故城東
入潁水陳氏之望潁川也漢以來家有簿狀上之官載司
勲不絕史奏五百里有賢人聚著治績強者緩之以德弱
者撫之以仁下一榻待士尺牘爲交遊光寵湖海擅豪氣
能力毀元祐黨人碑其餘隱君子敦善行不怠戛然者亦
以詩鳴宋之南也丹陽吳郡會稽姚於三輔世昌之子實
始隸籍於昌之西偏曰成嘉定四年趙建夫榜進士授考
功司員外擢河東道御史元孝子斗龍先生昌志載尋母
事元史叙生平獨詳與吾婺黃文獻公潛胡長孺同以薦
碎起最相得以詩文酬贈吾嘗豐沐再三誦之先生嗣世

伯一支仲一支季一支曰臯今甚蕃春扈耕田秋山夜讀
松濤涼月流水有聲相土之宜葺垣墻可宅者年筇杖子
弟循循天與我民藝思無忝厥祖春秋得以少牢合祭於
廟我

皇上抱蜀不言而天下自治自

朝廷達於閭巷王道之成蓋親親長長始也豫在學舍

又久得友事若膠漆然聖賢之奧經史之腴相與數晨夕
獲益良多岐陽石鼓貢成均矣上丁釋奠采芹藻矣言譜
者如見路敬淳韋述柳芳陳得氏二千五百八十餘年以
視過江爲王謝袁蕭東南爲朱張顧陸山左爲崔盧李鄭
一鳴集

卷之五

五

關中爲柳薛韋裴楊杜相去何如也日月司事者彙族屬
爲書緘卷首以弁言余不敢沿襲其詞乃訂正其未及
者溯得郡之由弁憶左氏傳司馬遷陳世家鳴鳳鏘鏘觀
國之光利用賓於王也遂序之

荆西郭氏譜序

東西魏爲成周故封按其地在滎陽新鄭間魯僖公二年
晉伐魏穀梁傳云夏陽魏之寒邑也公羊傳云夏陽郭邑
也戰國策高誘註郭古文爲魏得氏以來春秋時有郭偃
築黃金臺請從魏始爵以侯者史傳不絕書漢大司農曰
全雁門太守晉蓋魏陽曲侯曰淮荊州刺史曰統統之子

正晉咸熙中以陽曲侯著勲前朝封爲汾陽子有相唐肅
宗代宗德宗者曰子儀封汾陽王傳五世曰荃台州刺史
其弟苗苗之子昭文再傳曰瑫一作滔乃館吾東之長衢
宋旣南曰欽止從弟良能居梁渡有子起師事子朱子其
學邃三禮十四世孫曰韜明天順初又遷剡西之殿口辦
百萬資買山雲煙一壺聽流澗鏘鳴若出金石爲太白謠
爲瀑布吟置此身於農蓑圃笠寥次而莫知有誰過問焉
者垂之二百餘年我

朝壽考作人醴泉甘露良耜豐年介石翁相山林原隰物
土之宜於建昌里得一厘傳有之治生者祖白圭有鄭樸

一鳴集

卷之五

五

田秦陽粟偕二子明經倬亭上舍雲龍聘宿儒壇席肄於
庠貢成均者試春闈與計偕者丕丕簡簡焜耀一時吾耄
矣憶在驚梅館久之知交風雨散及門鮮有存者曰帷曰
廷榮曰範程名已上之部日月郵一書叙其家乘古者官
有圖譜家有簿狀郎令史掌之曰昭選曰錦堂曰震鏞曰
誦芳肩其任鱗排筍束疑者闕之譌者正之渙者萃之親
親長長稽其所自出數典不忘彙之畢昇版嗣世者蒸蒸日上
日起而譜於是乎成道光甲辰九月某日也

雅溪儒譜序

曩嘗讀儒行一篇遽數之不能終其物悉數之乃畱更僕

未可終也自游夏之門人著之而後司馬遷創儒林傳范陽盧氏宋治平間曰實繇院判始榜吾東傳四世遷邑城東門外之韓原尋遷東郭外又四世曰大振大成宋郡馬元處士松齋以孝友著聲明永樂初曰華以薦辟官東宮侍讀補舒城知亳縣事有惠政其弟睿曾鶴齡榜進士官都御史生四子均舍人曰杵曰楫登賢書有建興濟橋者曰溶章文懿公爲之記有與商輅姚夔爲大元會者曰楷其弟格爲名臣有卻宸濠之聘辭以疾者和長垣禦寇者煦出湛甘泉門下號曰休者堯俞按圖籍誌先人邱墓者堯紳盧龍阻雪得夢兆者孝達有授晉江令尋守成都轉

一鳴集

卷之五

三

惠潮副使調湖湘者仲佃有建言廷杖贈太僕寺少卿調鄖陽著效蠶集白馬關守戎都指揮僉事以詩鳴者洪春洪夏洪秋載淮安名宦志洪珪雲台樓筒稿洪瀾自署十經軒者洪異有繪雲亭課士洪蘊禱祝刳股以羹著念修錄者懋彛有建昌道嬰城固守諡烈懋者懋鼎其餘以丞以簿以武功得一階者餼於庠者貢成均者皆有以樹立而母之賢且節自賈恭人始噫難已我朝養士二百餘年聲教暨淮海以南宿儒學在彛倫知聖賢可以馴致文章政事迥不猶人居視所親富視所與貧視其所不爲如斯而已吾與炳潮相識久能譜其所自出

彙一統志兩浙名賢志徵獻畧金華詩錄軒錄與盧氏
通考三峯家志

潮生有藏本

而悉采之終以藝文凡六卷豫曾

師事贈公東園先生有述祖德詩已鐫於板垂至今得見
五世獬豸一冠已專而有之炳濤又念豫先曾祖某與慎
施公士儁交好姓氏得附大成殿鐘并俟吾友霽堂梁共
訂之如見瑯琊譜太原譜陳畱譜例稍殊并井然俱存也

葉聖末香李氏譜序

陳畱中必錄陳畱譜且陳畱

粵若稽古阜陶傳章翼嗣尙已徐出自贏姓裘出自風姓
舒出自偃姓皆其後也歷虞夏商以官命族則爲理氏曰
理徵翼隸中吳伯再傳更李氏生昌祖爲陳大夫家苦縣

一鳴集

卷之五

五

周康王以采邑賜其曾孫其後李曇爲秦御史大夫曇四
子一曰崇爲隴西房崇六傳生尙其弟向范陽祖也尙生
廣廣二子一曰當戶生騎都尉陵一曰敢郎中令關內侯
敢生禹其弟忠頓印祖也渤海申公絳郡房陵詳且晰者
見於世系表隴西定著四房唐之世宰相十人其他益麟
麟史策宋之南也天下騷然德祐初元帥兵渡江文文山
以義起其時處州路都使李珪赴之賈餘慶劉岳諸人相
顧覩顏而吾婺隱君子乃習與謝翱游當其悲歌感泣厓
山一潰元勳遺老無復存矣都使公知時事之不可支也
始退舍東陽其忠憤一一見之於詩厥考豐黃巖尹系先

自稠門其來吾東也植木香於里仁坊隱居不復仕豫章
酸棗昔郡縣以樹名表異也公生二子曰聲曰錫聲字鳴
遠方巾布服貌頎而長著性理粹言農桑圖說司空苗好
禮上之朝廷屢徵辟不往鄉先生許文懿公鹿皮子陳樵
咸載贈答書有明以來容粟籩金衣破萬家度地於學舍
旁土丁釋菜命匠石營戟門李陽冰記之城隍神祀典無
之廟近李氏居一新其漫漶者萬厯戊申春邑令郭諱一
鵝旌其事而麗於碑倚歎盛已我

皇上孝治本之躬行意必有陳謨者曰惇叙賡歌者曰愼
憲省成自都會及州閭樹之風聲又克自城郭始今其秀

一鳴集

卷之五

五

者肆鹿鳴四牡皇華者年碩德庠序雍雍沐

膏澤而詠勤勞愿懋者愛其身藝稻梁者養父母其淑慎
者以事舅姑露清霜白薦蘋藻矣冰泮桃夭重婚姻矣稽
之周小史辨昭穆也司徒敦六行也司民紀生齒也暨墓
大夫繪宅兆也其餘垂戒凜然璋分圭合雁雁成行司事
者光趾光照光麟等以畢昇版彙爲一家劉舍人有言譜
者普也我李氏代有傳人爲孫子者謹其所聞謹其所傳
聞則遂以都使公爲祖祿爲椒聊且因其樹木者爲樹人
也是不可企也不敢誣也

自縣托塘張氏譜序

天之垂象也拱北辰者作然堯命羲和以後揮爲工正
主祀弧星甘石巫咸類能言之按張十八度分野屬荊州
氏以張者唐左司郎中曰定先世在東平遂遷於汴傳十
二世曰潮梁開平初繇進士令東陽與伯子天賢有禦寇
功季子天宥公齒未龔隱於荒塘煙霧迷離噉蓮實得生
比長宋開寶間補右序旋授通直郎擢天章閣學士再傳
曰福有政績贈中奉大夫爵吳寧縣男秩五百石諡忠靖
曰錦治春秋左氏傳曰致盛稱孝子曰德馨嘉祐間歲饑
出粟旌以廣惠曰撫國史院編修工部侍郎又諡忠靖宋
旣南縣尹吳炯以潮公在祀典也上其事贈太常卿諡忠

一鳴集

卷之五

五

愍曰志行薦辟不起精於易有十勸詩賜號冲素先生淳
熙嘉定間曰旺曰諒相繼爲參政其餘志乘不一書元季
騷然隱君子三折肱爲良醫曰瑚志明初曰福秋不發出
賑授以職固辭子阜建郡庠依以金曰崇師事葉伯愷繇
禮科給事中擢閩南僉事有居荆浦者曰大輪授工部營
繕司補刑部轉郎中雪寃滯而不雷獄尋以忤者起守建
寧湖雷州又在江西參政吐蕃盜警輒勦之著有楓山道
錄示見編曰貞寅崇正七年靖寇氛歿於陣贈定國將軍
曰貴都指揮遼陽邊報急率衆先驅死之我

朝御宇以來文武聖神版章式廓有血氣者莫不尊親乾

隆四十一年

欽定四庫全書

詔建故明武英殿大學士兵部尙書諡忠敏張玉筍公祠
按明史天啟初由番禺令擢刑科給事中都御史旋撫吳
於時流賊跳梁崎嶇戎馬蝨蝗水旱災異洊臻請蠲免請
援兵一夜髮盡白割安慶池州太平以監軍史可法任之
莊烈帝殉社稷南都繼失謁魯王於台州監國督師餉盡
及抵家有星隕赴池而卒世次釐然也按志乘吳宣公二
十六世孫曰安畿任府軍百戶籍順天又四世孫曰烈康
熙間舉博學宏詞尋擢左春坊贊善充明史纂修官著有
讀易曰抄質疑輯畧若干卷曰環爲五世孫乾隆癸卯舉
一鳴集

卷之五

七

於鄉向知家世在東郵書問訊歸鞭不可得譜旣成其自
爲一支者并及之張氏鼎彝簪紱忠孝相傳久矣者年節
杖貢成均者歌鹿鳴者謁兵部者三世建崇聖祠建祖廟
者園廩濟人發居節守近文章砥礪廉隅比比然稽古者
知天地爲萬物父母惟人萬物之靈悉於西銘統之吉日
以持羊告廟觀麗牲碑爲之後者數典不忘有睪然思憬
然起者矣

雙泉徐氏譜序

古今歸賦錄卷中

海岱及淮徐州也自嶧陽泗水暨東原向嘗一再過之按
史益之後封於徐周穆王時曰誕行仁義稱偃王韓昌黎

已勒之廟碑輿地志墓在橋李城西秦置郡縣爲東海漢高祖時尤祿大夫曰卞惠帝時下邳太守曰彭其後有相繼爲司農卿益州渤海豫州刺史者元帝初秘書監元泊始隱姑蔑之墟傳三世有爲尙書左僕射者又五世建安初有爲婺州刺史者曰洪周顯德間仍婺州刺史者曰頊又四世定塾於峴城之東北隅爲舜卿公有子伯川公宋開禧初曰雄朝散大夫曰穎成進士元皇慶二年曰元祉始葺譜明洪武七年曰隆知沐陽縣事四川道監察御史陞福建按察司僉事退菴公子玉忤權貴出知涇陽曰儔始立廟建御史坊曰圯劾劉瑾著有勳菴集曰億廬親墓

一鳴集

卷之五

天

曰珙臨江太守出使安南詩稿尙有存者我

朝雲漢作人聖神武文抱蜀不言而天下治沐

恩膏者肄鹿鳴四牡皇華羣黎食德笏杖祝鳩稚子恂恂牽車服賈知稼穡艱難徐氏以伯川公爲始祖今已七百餘年官直隸郵政廳遂安司諭謁兵部賜翰林院檢討肄於庠者若而人周小史叙昭穆也司民紀生齒也以婚以媾宅兆地定指南一一見之於譜鳳章振海學超學誥學賢輩汲雙泉沈濯治事惟虔訂譌補闕數典不忘有臨之在上質之在旁者豫忝門下壻與有榮施鄉先生靈爽式憑知交不余鄙竊自媿雕今潤古樛材漫漶叙次或乖不

知老至諄諄然已八十九也

安文陳氏譜序

陳爲庖義氏故都也舜以蒲坂禹錫之虞城商寘於遂周以三恪之封而陳乃氏以國秦割天下爲三十六郡於是
有潁川班固古今人表載魯論陳亢凡三見唐贈潁伯宋
贈南頓侯以潁水東南過南頓也漢王符有氏族辨古者
郎令史掌之定氏族譜以十八州而陳與焉德星聚知百
里內有賢人曰實有德政生二子強者撫之以德弱者綏
之以仁其已事也元生準準生匡匡生達爲吳興長城令
暨唐乾符曰鬻以兵亂遷發之麗州又三世曰勝自晉天
一鳴集

卷之五 文

完

福間遂版吾東之惠化里雲幔四垂題名有石松鱗磊砢
流水鏘鳴六傳宗讓公佐從兄宗譽以武畧雄於時當宋
宣和陸寇騷然鋒蝟斧螳輒鼠竄去有見於陸渭南蘇諤
墓誌者有出呂成公門下由宮講任駕部郎上封事者有
以德政著者有羽翼聖經著書不倦敦孝友睦嫻任恤者
明宋潛溪已弁於端屠赤水歌詠兼之劉念臺贊之張忠
敏王簡公慷慨言之我
朝戴水部菰塘又縷述之陳氏自宋至於今千有餘年曠
義滂仁延致天下士俾圖籍尙有存者雋秀在膠庠肆鹿
鳴四牡皇華可以仕發爲文章已壽世耆年碩德沐浴

盛時子弟恂恂服田晦者蜡坊庸郵表駸歲時祭其先人
又慮孫枝散而無紀也勲勲然以家乘之修爲己任春秋
再閱歲矣將告成齋一編垂示因溯得郡之由諸同學有
振起斯文者觀國之光利用賓於王吾仍筮之矣是爲序
峴西金氏譜序

鼓城自漢始也言劉者屬之有避卯金刀暨吳越王錢鏐
諱遂更以金鄭漁仲以爲出少昊氏按之圖譜局已不盡
同古者閩史書名家有簿狀上之官郎令史掌之司馬遷
作世表旁行斜上並効周譜唐柳芳韋述路敬淳輩言氏
族甚詳宋建炎南渡有階通奉大夫翰林承旨者生一子

一鳴集

卷之五

三

皞以上舍生扈駕臨安遂勝吾東宅邑城西北隅傳五世
曰瑩孫淳祐初受處州教授尙氏以劉元大德以來仍氏
以金吾發志載劉仲淵東陽縣志載金至困已然也於時
族處析居風盈雨渙咸自樹其家聲有明最盛幕府殿一
軍右參政督閩中一十七衛屯田水利兼巡歷桂林劾魏
璫奏藁尙存先是與計偕者以薦辟膺民社在鄭虔廣文
館及峨松者讀岐陽獵碣詰屈警牙貢成均者鄉先生歿
又從而俎豆之纍纍不絕書自明憲宗逮我

朝堯步舜趨禹馳湯驟親親長長頌太平久矣嘉慶庚午
金氏譜已再修慎之至也今已二十八年涓良日復有事

於廟中稽周小史叙昭穆也司民紀生齒也掌判者以婚姻家人以宅兆平輿月且與發婦之已旌者悉登之者年鳩杖角卅肆六經稻梁桑柘有幹有年譜旣竣裝潢若干冊珪以分而璋合雁雁成行飀之綿椒之衍毋忘乃祖以紹前徽若金用汝作礪其有振興者矣豫忝世姻計生平獲交於門下者良多年旣老跽跣塗鴉不自知莊樗惠瓠之無所用爲弁言冀當局之定吾文者曰玉堂曰上賓曰殿元曰本南皆裔孫也任其事不言勞并及之

東晉 峴西杜氏譜序

一鳴集

卷之五文

三

陽者在唐有勝黃巖者宋嘉定間鄉先生南湖公曰華師事子朱子以名進士起家官簿領始定契峴城西傳三世曰緞修學宮曰世業菖溪司訓名儒多出其門擬之胡瑗明懷南公爲納言見山公以私淑之餘有著書文孟公時融公推孝子崇正間遷化丞維芝公遼陽寇警牧馬榆關力不可支正衣冠北面再拜扼吭而絕史逸其名毛際可已爲之傳孝陵參將適我公有戰多莊烈帝褒嘉晉一階爲宦寺所忌乃告歸閣部朱未孩守婺延致之再三以身殉國我

朝定鼎以來堯醴舜莖埃埏霜被文以笏武以笈歌詠太

平二百餘年矣。康熙間三藩逆命，適我公子思鑾有脅而拘之者，遂不食而斃。先是順治九年我

皇帝以大公無我之心，軫恤前明殉節諸臣，按逸周書白虎通論諡范景文以下二十八人。乾隆四年趙撰一人奉諭旨，杜學伸諡節愍，典綦重也。著有嘏嘏集，尙存。吾嘗憶元凱爲左氏功臣，房杜銘勲麟閣，旣分南北，而杜則灤東。灤西有注惠施篇頌孝經及第，夢藥榜名鵬舉，鴻漸見竈神杜禪家，日起讀楚騷蕙荃蘭芷懷美人，也不忘君也。封垢令時，萼公有異政，民立生祠。年大吉，葬於石門，得一瓊善繪事，有隨月草堂語溪間詠稿。吾友曙堂任臨安諭，踵

一鳴集

卷之五

三

之安化尉惟喬在都中數晨夕甚久，曩又館乘驄鄉適城主峴影軒友事者，鷓來垂老知交。若畊堂者，曾與言王符氏族辨鄭樵有略黨，正閩師書孝友睦婣任恤勤敏者好學者矣。昏禮一篇著代也，胎教謹其始也，鹿鳴四牡皇華又肄業及之矣者。年筇杖童稚恂恂服田力穡，與春秋闢賦者，按州司馬一銜謁兵部者，羊烈一門不再，醮平輿月旦揭而璽之悉譜之，畢昇版珪合璋分露，潛霜白職其事者，正譌補闕以渙而萃，年籥再更旣告成以豫在門下有連也。命叙之食而樂去，長風台此年

平江泰里蔣氏譜序

蔣氏譜序

淮海維揚披禹貢地圖在指掌也職方氏九州男女之數若釐定者然周禮司民彙生齒於版上之朝廷比閭族黨有孝弟睦婣任恤者勤敏者好學者悉書之家有簿狀官有圖譜郎令使掌之典綦重也周公封於魯讀魯頌闕宮篇新甫徂徠驛剛白牡小大從公命以蔣爲氏者其地在陝之光州春秋弦子國黃次之蔣又次之漢爲弋陽楚黃歇春申君最有聲蔣氏封邑以來祖其所卽出者兗州刺史詡考輿地志詡西安入關三徑修竹琅玕與羊求二仲交好曾孫晃爲杜陵郡其後爲以侯者史冊甚詳和帝初曰穎遷會稽傳一世承祖勝吾東陳太建時尋徙仙居唐

一鳴集

卷之五

五

貞元初乃定居泰里曰士宏官大理寺少卿暨於今尸而祝之當五季時兵燹驛駭縮銅章墨綬者以身殉國率以武功顯宋旣南築南園書塾馬芻奴飯知名士屢烏駢闐元至正間曰植登牛繼志榜進士衢州教授黃文獻公潛陳鹿皮子樵有贈詩明洪武初曰德生屢薦辟不起月旦評以楊仲彰呂審言胡太和凡四人交稱之我

朝堯醴釀釀舜戈壘壘曰邦輅曰邦潤曰文迪曰元曰啟潮曰啟源名上兵部居鄉者耆年碩德童稚熙熙翹秀肄六經應州縣試愿樸以田耕耘五德有日遷善而不自知者根深木茂雨散星馳昌聘公爲一支昌道公爲一支昌

傑公爲一支裔孫某某以家乘久而未修也恐其散而無紀也颺之綿椒之衍有自來矣

安溪蔣氏譜序

周小史辨昭穆也司徒敦六行也司民紀生齒也有掌判昏姻重矣墓大夫宅兆正矣而悉於氏族譜寓之古者即令使職其事漢王符宋鄭樵彙成一家言則詳且盡也蔣得姓昉於周期思爲故封孫叔敖治其水灌雲婁其楚地乎秦司馬從弋陽漢杜陵上黨宏農率皆二千石貴者以侯曰潁中散大夫婺之祖也曰聳宋台州錄事安溪祖也吳越王鏐撫有一隅宋有天下稱臣頓首乾德初熙熙然一鳴集

卷之五

五

太平矣蔣氏當其時卜築吾東山輶谷汲有幹有年置田飛瓦寺西偏儲穀石飲讀書者隱君子哉其聲華如鄭遨石昂張薦明李自倫輩不可悉數完政騷然星霜兵燹閭巷石民幾無能樹立明景泰間衞葵儼居茲土者傾斗斛濟入部使者以聞勞以羊酒給散官胥克用勸我

鞠自天聰天命式廓不基堯典禹謨臯陶颺拜天與我民葵好是懿德沐

膏澤而詠勤勞者有以養其性情和其血氣其學旣優其才可用父與父言慈而子與子言孝者年筇杖耨齒恂恂稽築桑柘皆有所事事王道之行不可見哉王應麟云君

陳周公之子也書有之惟爾令德孝恭惟孝友于兄弟克施有政又曰必有忍其乃有濟有容德乃大蔣之所從出與凡伯祭公世有其人由來舊矣爲子孫者以聯族屬齋祓久之聚之畢昇版於以見樂安之裔自唐書宰相世系表至於今有駁駁未已者

上田嚴氏譜序

唐以繡湖之東偏及吳淦故地爲東陽稽其時在垂拱二年嚴氏宰烏傷而後居吾東之孝馮里稽其時爲貞元間及太和初鄭樵志以諡爲氏者曰莊漢更爲嚴魏晉復曰莊而嚴仍之禮爲尊者諱於春秋有若司功氏司城氏

一鳴集

卷之五

三

於漢有夷氏爲盛氏慶氏爲賀氏晉以師氏爲帥氏宋以敬氏爲恭氏其遺焉者何諱也近禹山二里許曰上田相傳延祐時來茲土也世多隱君子括磬華弗著暨明以學行顯四方執贄者籌經濟於嚴氏之門今已三百七十餘年矣昔侯霸之子孫稽其所自出曰家公潘尼曰家祖自隋唐而上有圖譜局置郎令使掌之騷然迄五季譜系之書莫可究其姓氏而其學不傳按諡法叡圉克復曰莊勝敵志強亦曰莊楚季連芊姓也連生附沮附沮生罔熊其苗裔居丹陽地在秭縣東晉志云秭歸故楚子國其爲嚴氏也世處南陽莘野間吾婺自會稽分郡鄉先生有名史

傳或志乘不及書求其里閭不可得而磨其詞者輒昧所
由來非紹庭而貽穀也嚴氏俞俞久矣宿儒敦古處然諾
不欺屏權貴不攝其子弟率教無敢怠居民穀五種歲以
有秋田廬遂其性杖履全其天壺觴豆肉食其力禮義生
而孝弟之心油然而矣或曰桐江以釣隱蜀君平善易河南
尹號萬石巖揚州刺史邁每遷官吏民遮道攀轅其先世
也余以爲在唐則以旭始元則以均才始楚之先端自帝
顓頊高陽始而氏以嚴者於是乎牽連得書

本族重修譜序

商頌多道祖德而祀高禩則元鳥成周慶綿瓜瓞而遡生

一鳴集

卷之五 文

三

民則有邵蓋其繼繼承承者舊矣吾何氏肇於韓自唐會
昌間遷睦遷婺我祖知言公始遷東陽宋南渡時翕然以
詩禮起家自南湖而一再遷者雁雁成行率子姓彙於一
宗以敦祀典以正本支以不忍不致之心質之陟降庭止
而求無忝於所生者也禮康樂和親爲一書秦漢以來右
族世家類自叙其世系以光史策唐藝文志載氏族譜其
著姓也我

國家混一車書承平日久敬桑梓者傳舊經服先疇皆吾
先世之所畱遺者遠而爲孫子者守藝訓而不忘也桓山
之鳥有子離居墨台爲怡更爲寮者復更爲宰吾知有不

得已存焉者矣前庚寅家乘之修幾析而爲二今

皇上紀元萃而一之豫奔走裹糧冀丐一言於名公卿不

果南旋意尙有竅耳吾王大父行撰從叔父濟川與同志

者勲事久不朞月劄劂氏告成悉遵前例以宋爲束而辛

成羊咸更正焉豫并未能一日與也記曰萬物本乎天人

本乎祖揆之義有斷然不可附麗者則薙之覈所以親親

長長也然已憫其艱矣吾先公廟食不祧靈其有以監視

也庶幾共凜凜也夫

本族續修譜序

唐誥見於左氏傳柳州以成王剪桐之戲疑史佚成之

一鳴集

卷之五 文

七

汾晉臺駘韓趙魏分而廬江有專屬矣漢王符云何歸姓

也韓昌黎贈道州何堅序亦詳之鄭樵云韓與何若轉注

諧聲者又陳畱渡江有異瑞始更之吾何氏從婺城版於

東自宋知言公始傳三世太傅公隨駱氏母再徙南湖稽

其時在政和六年或七年公娶於郭舉一子曰榿將仕郎

以爲榿誤也暨建炎南渡石潭俞玘官刺史有以女歸之

贈齊國夫人如郭氏曰松贈少師曰椿邵武軍通判曰榿

贈中奉大夫與榿公昆季四人而汝明公之子坦自爲一

支高宗有天下三十二年朝議公逮提幹公達秘書公淡

蒼萃一時淳熙嘉泰至景定咸淳肄鹿鳴四牡皇華者與

葛端獻喬文惠馬莊敏諸公幾相埒元政衰子孫各風雨
散明初兩淮醜使士英公以薦辟起家一琴一鶴政績最
廉治揚州故有董江都宅井尙存建一祠祭之尋得定武
蘭亭本尙書蹇義稱之李時敏吳訥魏驥陳璉曾棨咸有
贈言今距公三百九十二年矣後起者當如何策勵也古
者譜系之修郎令史掌之其後姓氏混淆廬江一綫之延
尙從其朔家訓規條垂示殷殷墓圖有誌垂之久無使蓬
蒿榛莽更甲乙而爲墟庶幾仁人孝子之用心哉豫先是
偕從叔濟川取諸渙而萃萃而升也道光十有七年夏五
某日在南湖恐歷久而愈湮也爲之叙在廟中臨文不諱
一鳴集

卷之五文

五

周璜溪大甸壽叙

於山勢見嶙峋絡驛在雲嵐霧隊間左右屈淵乎其回流
泉奠金石有聲環一畝之宮杏花春雨鳴鷗在柳不易田
鱗次守先人成業好於而家孝友薰蒸甚自得也我璜溪
昆季四人爲之殿在庠序有年伯兄鼎能文章每試冠一
軍先尊翁太學生桂亭前明府謝已叙之余按周氏昉子
南君今大小戴記所稱衛將軍文子者卽其人也厥後有
子南勁相魏至惠成王如衛封子南君史記七國年表魏
附於衛漢興求周苗裔封姬嘉爲子南君建武十二年更

封衛侯子孫別於姬始稱周氏有居廬江者有居陽羨者
尚書侍郎曰嘉光祿勳曰暢以羔幣聘不受者曰燮治洪
範五行左氏傳者曰磐皆望汝南也唐肅宗睿宗朝史冊
不絕書璜溪署一軒曰紹濂每念太極圖天人性命之微
極之不見不聞有以窺道之大原其主靜之功爲何如者
二程子黃陂師事觀感既深春風草綠孔顏之樂猶想見
之傳之久曰鑣始遷錢塘其隸於吾東又自淮巖居峴北
璜溪自言其家世甚詳而蒙於飲宰然曰桑弧蓬矢男子
所有事也盡禮樂而可數爲以立德行者莫如射吾能以
一藝名乎嘗縱游淮徐江湖一艇抵掌雄談退而自歛曉
一鳴集

卷之五

五

醫經辨山筋地髓之良楛與豕苓之有時爲帝者種竹數
竿怡然以遂志吾同年趙蒞畦以其善養拙也并揭之楹
璜溪年六十矣先是李南岐公以女妻之今已舉一子施
氏出在蟾程得屢見璜溪吾耄矣訂忘年交遂序其得氏
之由以侑觴云

程拙菴先生壽叙

蠖之屈也鮑之居也斥鷃之決榆枋而鯢鵬南徙也憧擾
者以朝夕計真人乃息以踵息以喉其性然哉有以自得
則在物者輕在我者貴事吾親倫紀修矣有繩尺廉恥立
矣名者爭之器食貨志善於治生未嘗瑣瑣然斬之甃甃

然惡之先生以拙名菴乃所以爲先生也東陽著姓者八
其一日斯有孝行晉許孜唐應先馮子華史乘得書先生
年甫壯郡試冠一軍尋以郭母太孺人羸之粉粢湯茗宿
膳以時有請左右塾師事者拒不應謂做舌人廢一日養
乎旣以內艱侍乃翁春秋高也益謹謹而壽廩祝哽餉爲
驩聖賢之學求無忝而已焦心力而無與於己將安所盡
職者憶曩時得接先生不苟言笑甚悃悃於城市弗奔營
吾子程子學有源盡性至命自孝弟始主敬涵養吾心志
勝氣則無累其教人弗以舉業六經之旨垂訓無窮讀箴
銘佩服不能諉者先生私淑久矣像自愧不獲見近二十

一鳴集

卷之五文

單

年其姊氏歸我從曾祖惕齋以世姻得與聞之髮星星齒
牙齟如穀於砥聽養之充而其天者全間賦詩以示吾叔
祖上齡蓋示甥也其詩曰人多任意逐冥區行到中途悔厥初自笑生平徒守拙白頭猶是一眞
吾率其眞與我周旋今猶故吾也僕錯祝栗爲汗漫游未
半途而顛躓隨之震无咎者存乎悔其以是哉先生諱中
岳字之者尊一娶於河汾子男正坦見孫永昌能讀書翹
秀異於人先生有季弟弗永年恤遺孤家以不墜先生之
拙先生之所以處已也問所以爲拙將無以應之而先生
竟拙矣退三舍願以壽觴進向知不嗜飲吾亦拙於計并
以成先生之果於拙也

成都有司馬相如者客游梁居數歲著子虛賦武帝稱善楊得意羽之相如遂蜚聲太史公列之傳嘗愛其文之

爲子虛也

李華湖夫子云挾出主腦

歲十月六日夜余方寢忽隱隱如

有人戶外窺者衣華蔡佩玉珊珊有頃不復作余亦就睡烏有先生謂予曰子何人斯在牀偃息也余有慚色無以

對烏有先生曰吾爲齊難子知之乎齊東濱海南距瑯琊

沃野千里粟如邱山五家之兵可以習戰子知之乎余忻然而笑曰無是公有言齊亦未爲得也夫洞庭之橘仇池

之椒河東長若之蔥與宣城之酒丙穴之魚雕胡之飯味

一鳴集

卷之五

文

聖

之至美者也先生舉天下而羅致之乃可不然吞雲夢者

八九無益也

又云折得

烏有先生曰吾司馬相如學劍術

以賞爲郎其後家徒壁立之臨邛卓王孫厚予之而家執

日隆子今者主野廬氏職土訓司燿代庖人而兼讐人鹽人而馭牧人角人非人吾恐壯夫不爲也

又云有慨乎言之

余曰

然非也相如爲武騎常侍非其願也多文爲富則有之矣

泰山櫓也江河陸也排閭闔而入帝宮載玉女而與之歸

吾竊慕之先生姑待之言未已有檄至羣吏摩肩來觀者

馳行鶴視洩然有聲

忽又開出奇境

余正襟再拜趨庭而喜擢中

書令遷策子爲事晉少保又晉司徒封管城侯出爲京兆

尹給鼓吹一部未幾以親老乞歸

又云雖游戲文亦見至性

詔許之喟

然嘆曰化合神者曰皇德合天者曰帝坐而論道爲王公

作而行之爲士大夫始吾亦自以爲鄉人也今而知得免

爲鄉人也君子不得志枕書一篋歌詠太平可以沒世而

訾毀者排擠者非笑者舉弗問也

又云有壁立千仞之概

其弼君刑

名不知錢穀不知易曰鼎玉鉉大吉無不利詩曰衮職有

闕仲山甫補之如斯而已維時同寅者出祖餞吾與知交

別日蒸蒸有光薄暮抵三舍村煙寥寂有敗垣毀瓦

又云妙景

恰似送別度其地曾置萬家詢之樵叟云昔有田氏爲甲姓其

強者斃粒食其羸弱者委坵墟矣余甚悼之

又云早已看破

且以

一鳴集

卷之五

文

聖

宦游日久欲語烏有先生烏有先生亦龐眉秃髮左右車

齒動搖聞余至自蓐食起也

李華湖夫子云解嘲解難胎息客難已視曼倩而加靡此則視子雲而更靡矣門奇炫異一席而聚四海之珍

胸中飽備借澆酒杯於邯鄲夢後添一佳話

不募修韓昌黎伯祠引

天以斯文畀之聖人有大賢者私淑之餘著文章不朽學

焉以馴至乎其極尸而祝之祭於社之義也堯舜禹湯文

武周公傳之孔子子思子傳之孟子一綫之延誰克肩其

任者漢武表章六經梁天監初詔郡縣立學唐貞觀三年

以左儒從祀左邱明以下凡二十三人宋神宗始進韓愈

至於今有專祠在學舍旁按說法經天緯地曰文公先世居河陽修武人其詳見史傳與吾東馮宿爲知交讀其書海涵地負囊括古今挾經史之腴卓然不悖於道出其門者李翱皇甫湜輩力不及追奉爲圭臬而師事之者已千有餘年昌之士肆於庠比比矣能樹立不因循皆可以進於古以復其性之本然知之一成一功也昔蕭貢於吳札尙以蘋藻薦之寫延篤於屈原之廟輒思慕之公之祠頽垣敗瓦蝕風雨不可支將取材之中瀾墨者舍埽植之苦窳者一更焉曾謂吾志忍慙置乎哉飲以金若干裁足以用書姓名於簿毋致空面毋以薪爨硯毋漏卮諏日有期

一鳴集

卷之五

聖

俟相與以成之者是爲引

重修恬靜菴茶亭引

茗薜自唐始也宋設官取其利有場暨有明乃革而以義起者建一亭慰渴思也距菱塘四五里陟山坡綠溪流而上近橫錦橋康熙間有僧誓五願爲不凡剪茅茨架屋粧塑如來佛以茶甌供路人攬筍輿者負販者聽履聲橐然石民參錯重繭前來於以栖止歲浸久已廢春水盈盈南薰溽暑愁霖浹日鴻爪雪泥無復汲泉而爇鼎者居人力不支十椽三五願仍其舊址而更新之語云與不期多寡期於當惠有知脾重幾劬容升斗若干也舌人能言之矣

是爲引

書三輔黃圖後

漢不著撰人名

上古穴居而野處後世聖人易之以宮室上棟下宇以待風雨蓋取諸大壯秦穆公居西秦大宮觀由余曰使鬼爲之則勞神矣使人爲之則苦人矣秦孝公始都咸陽取岐雍之材作室南臨渭北踰涇離宮三百復起阿房始皇滅六國益驕侈殫天下財以事營繕項羽入關燒宮闕三月火不滅漢高祖有天下始都長安孝武帝承文景菲薄之餘土木之興倍於秦侈矣三輔黃圖專記秦漢以來宮觀臺池宗廟明堂辟雍郊社及陵墓之在關輔者而東都不一鳴集

卷之五

器

與焉其間多用應劭集解如淳顏師古注晁氏則以其頗引劉昭漢志謂是書出於梁陳間程大昌雍錄辨之尤悉如興平唐至德中改漢扶風郡在唐爲岐州乃於棧陽宮下曰在岐州扶風縣東北於號宮下曰在岐州號縣界其爲唐人續成之無疑者

書洛陽伽藍記後

後魏撫軍府司馬楊銜之撰伽藍記其序云象教奔競其來有自至晉永嘉唯有寺四十一所逮魏受國光宅嵩洛篤信益繁永熙多難皇輿遷鄴諸寺僧尼亦與時徙逮武定五年盡爲灰燼洛陽非故凡有一千三百六十七寺孫

後無傳記其大者凡五卷按太和十七年後魏高祖遷都洛陽詔司空公穆亮營造宮室其城門有因魏晉者銜之以爾朱兆亂城郭坵墟當魏始遷洛陽王侯貴臣多造佛寺或捨其私第爲之石林燕語乃謂東漢以來九卿官府皆名曰寺西域摩騰竺法蘭以佛經舍於鴻臚或云洛中白馬寺卽漢鴻臚也摩騰以白馬負經旣死不壞因畱寺中伽藍記不及其事又攷高僧傳漢明帝於城門外立精舍以處摩騰白馬寺是也又魏遷鄴在太平元年

書宋陳文毅公遺像

讀龍川集葉水心叙之矣酌古論若干卷又先儒所未及

一鳴集

卷之五

聖

者宋史亦不詳我

朝聚珍版畧焉不備載而其名至今存也吾婺舊城遺址有以爲顧野王者有以爲分東陽郡時版築者試院甚高近元暢樓厯階盡一等甕樹以桐語有之桐齊簷出狀元先生旣魁天下三上孝宗書不報向與子朱子郵書考訂又以抱膝署齋嘗詣辛幼安策駿馬衣歸豪氣勝人而志壯矣嗣世有遷吾東者曰用之承事卽摹繪尙炳然可寶也

遠堂叔父溝洫圖說跋

叔父遠堂沉潛經術閉戶研書晚而不倦其解論語則恪

守朱註而不廢古義

如解至於犬馬不至於穀章是

解孟子則說盡竄曰

而適合書旨

如解人少節慕小艾是

他如九經通解諸經條考讀史

篇縮讀史筆議大而天地朝廟制度小而名物器數考究不一或制器以象儀或繪圖以存實莫不本諸理道闡其得失卽未成編冊竊於庭侍之餘窺見藩籬唯溝洫圖一書成自早歲叔氏果守訥而不出之訓久自蘊藏歲甲子以明經徵豫請刻其試卷未果乃捧溝洫圖說讀之竊自喜焉爰持以北上當爲東山輩舊交遊所久願見者行將梓以廣其傳并不得私爲家珍矣

楊蓬萊先生平江集跋

一鳴集

卷之五

吳

禹貢以崑崙之未有定也稽之史籍水經地志至我

朝萬斯大辨疑言人人殊於納結服之五百里今始知之於公劉詩軍三單禮九獻春秋作邛甲今始得而定之蓬萊先生著書甚富平江集以是冠於篇讀古人書學焉而詳其制與名與數與政之攸關非秉卓犖之姿老年篤好涵濡淹貫搜羅考證不能致也六經爲載道之權輿繼往哲而興者稱吾婆爲小鄒魯先生私淑之餘自抒其所得積藁盈几案於史絲秦漢以來論列其人魏晉梁隋釐然指掌五代最詳分二卷有歐陽公未盡及徐無黨裴松之未盡洒如者宋太祖用杯酒解夙將兵權而不知翦爪牙

亦爲患仁宗懼宰相秉鈞乃置臺諫其後司馬光范純仁
不獲全宋旣南誤國者無論已明以燕王備邊不及防靖
難之兵太祖遺命戒宦官預政非不明也而卒以亡撰葛
誠傳再撰烈愍葛公碑其餘爲記爲叙爲盧李陳葉墓銘
爲孝子傳凡三卷殿以詩鍾嶸嚴羽一時喙息其大者在
朝廷之得失其扶持在天與民彝必衷諸道豫曾獲侍左
右受教不忘讀九日期飲黃龍山步東坡送楊傑韻一章
先君子亦附焉銘感當何如也憶曩時先生館渠溪近敞
廬一馬田嘗云吾集署平江傳之久或疑爲平江人矣蓋
在浙西者以地名在東陽江以集名也從姪孫錫嘏恐其
一鳴集

卷之五

七

飽於蠹也出緡縲鍛於板刷厲氏已竣於是乎書

跋李泗溪書葉栗垞十八學士登瀛洲詩後

主應麟玉海載有十八學士登瀛洲詩而畫者不傳邑城
杜苓西藏一圖無款志不知誰作絹已裂邊幅墨蹟幾五
百餘年裝潢妥帖疑宋時物甚寶之葉栗垞秦齋以詩泗
溪曰畫古詩今稱兩絕遂和墨爲書詩畫上泗溪本錢稼
軒所拔士狀貌魁傑專敦篤品概人罕知者爲文章卓犖
不屑屑時態詩跡韓昌黎鯨吞齧噬刷去邦人漸趨漸隘
之病鼓鵬翼而卑鷄槍砥虎嘯而逸螿唼郊瘴島寒非所
措意也其書根始二王綜錯顏柳結體於歐陽率更筆之

所到挺立千仞一波一磔寸地而勁八埏之氣聞泗溪在
家每夕必帖摹十紙初楷終行草紙不擇粗細率兩面翻
覆書如葛稚川筆則問子弟有已殘兔毫否用之輒瘦勁
壯拔颯然曰惟彼不必如吾意益使人不敢不用意其獨
到如此蓋自與古人師友彼折腰齟齬嫵媚於時者可愧
矣先生率性之所寄骨開於天法束於人韓昌黎詩前所
未闕率更書亦曩所未覩泗溪握管追之得馭李鞭所欣
慕者

龔月邨紅稻山房詩藁跋

庭草燕泥爲詩人累雪車冰柱又以不入格詆之而詩難
一鳴集

卷之五

吳

矣作者以壯年遂志於學天不畀以年近體似得之王章
七律似得之高岑秋蟬春蝶哀絃急管與病中送人以後
諸作餘音閒然矣遺紅稻山房姑存稿一卷惜不獲見同
學再生也閱畢畧爲點竄未知有當否丁敬禮答陳思云
後世誰知子定吾文又惆悵久之道光己亥九月二十八
日書於茗花館

荆溪義渡亭跋

舟楫取諸渙利濟也荆溪當禹山下故有橋梁漲甚輒鷗
鳧去舉趾者不前家益三翁著尙義聲授匠石以材修短
以度剡之剡之問諸水濱呼航而載置田十畝勸其朽折

也量所入之需預籌焉并翼以亭得茗飲兩腋有風叩須
者久搢捐然競渡也

書潘嗣傑零丁帖後

戴良著尋父零丁范蔚宗於本傳不書元史載陳斗龍甚
詳按昌志獨言其尋母我

朝潘嗣傑又尋其兄嗣傑先世自分水遷於昌居邑城東
父溶康熙間進士官至游擊生五子長嗣振以將軍子有
俠氣挽強弓撥馬嘗走都城旣南旋泝江抵衡岳不得志
仍憇於家又數年脫身出羈龍耶之湖鎮尋至括蒼歧路
更歧杳不知所往仲氏蕃以母黨在泉州舅氏存其往晉
一鳴集

卷之五

文

吳

江乎遂褻櫬問訊雙躑躅闖其無人計相失已十有餘
年嗣傑最幼及壯痛其親已背也家督之睽離也天與我
民爨其曷敢弗念天顯吾伯兄掉臂去有大力者舉之向
知已長鳴亦足以自見其或沉淪顛躓李瀚蒙求嚴君平
賣卜唐舉相經更姓名爲傭賃牧豕飯牛罔不可覩顏媚
於人苟且致富貴誠知其忍死弗爲也於是詳氏族里居
寫其面貌鐫於板以招之由浙東踰仙霞嶺海泊一帆之
羊城之江夏黃岡春柳沙隄颶風溽暑鴻孤月曉冒雨雪
前行意必有一遇者而音問卒乘窮途不相識見其似躍
然已而嗒然將誰告我也嗚呼如嗣傑者讀角弓可以愧

讀常棣可以興矣嗣傑少失怙恃每念及泣數行下就傅方正人穀旣歿心喪三年娶於余外父代巡在庠序有聲事之如事師寒食奠杯酒墓前久不衰暇輒持一竿垂釣視笊簞魚數尾與諸曷共嘗之爲文坦易詩不多作有佳句不收拾并不欲以自見云

昌化志序

續載

臨安之有志也昉於宋乾道逮咸淳昌志則自明嘉靖始割郡縣以來屢更名廢置矣漢分部牧民唐以近畿爲三輔縣七等宋旣南昌遂戛然著聲按輿地東距潛一舍南瞰嚴陵襟宣歙之交爲西北鄙又枕故彰縣先是民數可一鳴集

卷之五文

辛

稽者僅一萬戶元政不綱明李文忠破揚完者於昌化復自昱嶺關取建德路兵燹之餘其何恃以無恐我朝警教覃敷版圖式廓梯山航海遷善而不自知

聖澤之入人深且久也揚軒于明府以相門宰是邦鷗鷺雙溪雲嵐拱晨夕聽修竹蕭蕭可以無訟乃閱志乘一鐫之山川出雲雨幾何所也有能捍災患尸而視之者乎田可耕其穀幾種果蔬之需何物也讀書自樹立幾何人商賈利其所有何鄉也夢梁錄載梅來兒史傳趙卯發陳斗龍族處幾何也於是屬藁有仍其舊者有更定者以章鑑題名臣其弟鑄在循吏覈儒林文苑許希賢戴弁入武功

補隱逸三人其餘鱗次各以類從善善欲長亦史例也浙西瀕於水年不順成而昌無患每退食慮瘠土仍飢請於大中丞暨郡伯運糧艘江滸見諸政事暇目能文章臣心期許沾沾一志哉昔子程子移晉城爲鄉校兒童定句讀聖學以明於潛令樓璠上耕織圖而民以治是役也吾知昌之人有興起者析紫溪至於今凡一千一百三十有七年盛衰得失思其旣往驗之將來惡能已也

東陽許氏譜序

續載

春秋時氏以國者凡二十有二許屬之自莊公在位以來至元公有可考者魯昭公十五年許遷於葉其後遷容城

一鳴集

卷之五

文

五

自羽漢高祖四年置汝南郡按酈道元水經注汝水東南逕平輿縣爲許郡故居月旦評歸之又更高陽郡曰武遷會稽吳黃武初割會稽分東陽郡傳五世曰荆桂陽太守舉一子德吳征南大將軍守東陽白峯關旣歿瘞於藍研村男曰孜向在孔冲門下善事師居親喪以廬墓著聲嗣世茂良已旌之在祀典傳三世曰猛幽州刺史徙錢唐有官太常寺丞者征北將軍者於齊太子家令於梁歷閣門大著作領史官唐最盛史冊不絕書宋乾德舉進士者曰志仍定藥吾東子四人和居南許邵居西許孫枝緝緝然元許文懿公傳經講學從祀

至聖廟廷在西廡有明以後能樹其家聲者若風雨散肆
鹿鳴四牡皇華祖其所自出者每念周小史叙昭穆也司
民紀生齒也閭胥黨正族師有書其孝友睦婣任恤者勤
敏者好學者掌判婚姻正矣墓大夫宅兆定矣我

朝堯崑舜儷禹驟湯馳文在豐武在鎬濮鉛祝栗暨於海
隅沐

膏澤而咏勤勞有日遷善而不自知者王道之易行親親
長長於許氏見之矣古者家有簿狀上之官郎令史掌之
裔孫某輩重修家乘猶此物此志也觀是譜者憬然起矣

徐希占斯是軒銘

號渠陽

一鳴集

卷之五

文

五

劉繪則張南周北也陸士龍有屋三間問誰與爲鄰者匠
斤構室圻者繚以垣墻檐楹柱礎闕板扉出入以次告成
于時茶竈炊煙清尊白飯山妻不粉飾兒女牙牙客至不
叙寒暄置圖史左右莢花卉若干本春風藹然秋河夜月
興之所至爲五七言詩心遠地偏幾不知造物者之於我
何有大厦岬幪曷貴哉吾友渠陽徐君名其居曰斯是軒
以爲禹錫之陋也始亦簞瓢之樂乎瑟處久之聽時鳥變
磬游魚在藻漱石枕流又翛然遠矣乃爲之銘詞曰仰浦
流泉蘋風蘭芷傳舍闕人誰與終始公孫一閣車庫馬廐
惜陰陶侃亭尙詔留戴笠寫天方輿爲地贅之以銘茫然

問世

俞荔村月板草堂詩鈔題詞

清水出芙蓉天然去雕飾李青蓮也鯨魚碧海巨刃摩天
杜少陵也橫空盤硬語受貼力排鼻韓昌黎也皆自言其
得力吾荔村同學家月峯雙溪之間滄海明珠向有人矣
得是編直東野善鳴不懈而及於古又為吾東張一軍也

一鳴集

卷之五

文

李映台樓賞鐫

五



昔長祿直東澤善遊不然而及於古又欲評東野一軍也
俞氏善藝林同舉家氏峯雙溪之間滄海明珠向有人矣
得是編直東野善鳴不懈而及於古又為吾東張一軍也
俞氏善藝林同舉家氏峯雙溪之間滄海明珠向有人矣
俞氏善藝林同舉家氏峯雙溪之間滄海明珠向有人矣

問世

俞燕休氏琳草堂詩鈔題詞

